



Gaular kommune

[www.gaular.kommune.no](http://www.gaular.kommune.no)

Informasjonsbrosyre om kommunereforma

# NO

**SKAL DU SEIE  
DI MEINING OM  
KOMMUNE-  
REFORMA!**

# Dei ulike kommunealternativa:

Politikarane i 10 kommunar vedtok hausten 2015 fire ulike intensjonsavtalar om å slå seg saman til ein større kommune. I ettertid har Gloppen trekt seg ut, og fleire av kommunane har parallelt jobba med andre alternativ i lag med andre kommunar.

Det betyr at både politikarane og innbyggjarane må stilling til fleire alternativ enn dei som i dag ligg på bordet, men dei tre mest aktuelle alternativa er:



## SiS:

Flora, Førde, Jølster, Gaular og Naustdal.

**Folketal 2015:** 33.436 innbyggjarar

**Framskrive 2040:** 38.203 innbyggjarar




## Liten SiS:

Førde, Jølster, Gaular og Naustdal.

**Folketal 2015:** 21.564 innbyggjarar

**Framskrive 2040:** 25.162 innbyggjarar



## HAFS:

Askvoll, Fjaler og Hyllestad. Solund ønskjer å stå åleine.

**Folketal 2015:** 8.036 innbyggjarar

**Framskrive 2040:** 7.801 innbyggjarar

I tillegg er Sognefjordalternativet aktuelt for innbyggjarane i Hyllestad. Dette er ei samanslåing av kommunane Balestrand, Høyanger og Hyllestad. Denne kommunen vil ha 6.878 innbyggjarar. Det siste alternativet er at kommunane held fram som i dag, det vil seie som eigne kommunar.

I løpet av våren blir saka avgjort av politikarane i dei ulike kommunestyra. Men først skal innbyggjarane seie si meining. I Hyllestad, Jølster, Askvoll, Naustdal, Flora og Gaular skjer dette i form av ei **rådgevande folkerøysting 4. april**.

I Førde, Fjaler og Solund blir det gjennomført ei **ny innbyggjarundersøking**.



## Intensjonsavtalane:

Dei ulike alternativa til nye kommunar er bygde på vedtekne intensjonsavtalar i kommunestyra. Innhaldet i avtalane er ganske likt, med ein vesentleg skilnad. I alternativet SiS (Flora, Førde, Naustdal, Gaular, Jølster) er føremålet å **«Utvikle eit nytt, sterkt vekstområde mellom Bergen og Ålesund»**.

Dei andre måla er like for alle alternativa:

- Sikre gode tenester med høg kvalitet for innbyggjarane
- Vere drivkraft og fylkessenter for Sogn og Fjordane (*Gjeld ikkje HAFS-alternativet*)
- Legge til rette for samfunnsutvikling og skape attraktive bu-, arbeids- og fritidsområde i alle delar av kommunen
- Styrke folkevald styring, brei deltaking og involvering
- Bygge ein kompetent, effektiv og attraktiv kommuneorganisasjon med gode fagmiljø
- Skipe ein livskraftig og attraktiv ny kommune

I intensjonsavtalane er det også vektlagt at førstelinetenester som skular, sjukeheimar, helse, barnehagar og kulturtilbod skal vere der dei er i dag. I tillegg er det ei målsetjing på sikt å få tilført nye oppgåver frå sentral og regional stat, og frå fylkeskommunen.

**Meir informasjon om intensjonsavtalane finn du på**  
[www.prosjektsunnfjord.no](http://www.prosjektsunnfjord.no)



## Viktige datoar:

4. april: Rådgevande folkeavrøstingar og innbyggjarundersøking blir gjennomført
8. april: Felles formannskapsmøte
30. april: Kommunestyrehandsaming om samanslåing er gjort
30. juni: Evt. kommunestyrehandsaming 2 er gjennomført
- Sommar 2016: Nytt inntektssystem for kommunane blir vedteke
- Haut 2016: Fylkesmannen i Sogn og Fjordane si tilråding i høve kommunesamanslåing ligg føre
- Vår 2017
- Stortingsproposisjon om
  - Ny kommunestruktur
  - Nytt regionalt nivå (både folkevald og statleg)
  - Nye/endra oppgåver (samla for kommune og region)
  - Naudsynte lovendingar
1. januar 2020: Ny kommunestruktur på plass

## Meir informasjon finn du her:

<http://prosjektsunnfjord.no>

eller les informasjonsavisa «Puslespelet» på nett:

<http://issuu.com/informmedia/docs/ps-2015>



Desse alternativna blir rådgjevande for det vidare arbeidet med kommunereforma

For å høyre innbyggjarane si meining i spørsmålet om kommunesamanslåing skal Gaular kommune gjennomføre innbyggjarhøyring i form av rådgjevande folkerøysting **4. april** 2016. Det skal røystast over følgjande spørsmål:

**Alternativ A:**

**JA** Gaular kommune slår seg saman med Førde, Jølster og Naustdal (liten SiS).

**Alternativ B:**

**NEI** Gaular kommune slår seg ikkje saman med andre kommunar.



### Ordførar i Gaular, Mathias Råheim (H):

Kommunestyret har gjort vedtak om at det skal vere ei rådgjevande folkerøysting om Gaular framleis skal vere åleine eller slå seg saman med andre kommunar. Datoen er 4. april. Det endelege vedtaket vert gjort i kommunestyret den 28. juni.

Det er eit viktig spørsmål vi skal ta stilling til, og det er viktig at ein får fram engasjement og kunnskap om reforma. Søk difor informasjon og diskuter med kvarandre. Kva de skal røyste har sjølv sagt mykje med framtidig kommuneøkonomi å gjere, og trua på kva framtid som vil bli best for innbyggjarane i Gaular. Anten åleinegang eller saman med andre. Det handlar om utviklinga i kommunen, teneste, identitet, historie og kjensler. Sjølv om det er vanskeleg å vite kva som vil bli best, vonar eg at det vert stor valdeltaking. Dette vil gje eit mykje betre råd enn om den vert lita.

I Gaular har det heilt sidan arbeidet med kommunereforma starta vore stor politisk semje om å ha ei rådgjevande folkerøysting i staden for ei innbyggjarundersøking. Kommunestyret meinte at ei folkerøysting er den beste og mest demokratiske måten å gjere det på. Difor er det viktig at flest mogleg av dei røysteføre – denne gongen er røystealderen 16 år – nyttar seg av røysteretten og gje uttrykk for kva dei meiner. Uansett kva som vert utgangen til slutt – kommunesamanslåing eller ikkje – vert det eit viktig og historisk vedtak for Gaular.

Til slutt vil eg som ordførar oppmode om at de røystar, og vil ynskje alle lykke til.

